

حقوقی بیلگیلر مجموعه سی

هر آياک اون بشنده نشر اولتور

DOCTRINE

تَتَبُّعُ

حقوقی فکریلر — RÉFLEXIONS JURIDIQUES

حقوقی دوکتوری

مبوسلی: غار فرافور

لوتوس ظفری

تورک حقوقک مهم برظفری اولان لوتوس دعواسنه متدائر لاهی دیوان عدالتک قرارینی و بو قراره تقدم ایدن تبلیغات تحریریه ایله مدافعات و مراجعاتی ترجمه ایدرک بش آلتی یوز صحیفهک محشم بر جلد حالده ملی کتبخانه مزه اهدا ایتک خصوصنده کی آرزومی کچن نسخه مزده یازمیش ایدک. مع التأسف بوکا امکان مادی بولامادم. نشر ایدیله جک مذکور ائردن مناسب بر مقدارینک اشتراسی حقنده کی مراجعتم بودجه نک مساعده سزلیکی حسیده عدلیه وکالت جلیله سی طرفندن جای قبول بوله مادی. بونک ایچون یالکیز دیوان عدالتک لاهمز اولان قرارینی بو نسخه مزه درج ایتدک. بو نسخه مزک مهم بر قسمی اشغال ایتسنه رغماً پارچه لامغه کوکم قائل اولمادی. تمامی بدن نشر ایدیورم.

مسئله تورک دولتنک، لوتوس واپوری قبودانی توقیف و محاکمه ایتسیله، حقوق دوله مغایر بر حرکته بولونوب بولونمادیفی نقطه سنک تنویریه متدائر اولوب دیوان عدالت بو نقطه بی مختلف نقاط نظر دن تدقیق ایتشدیر. بو تدقیقات نتیجه سنده واردیفی قناعت حقوقیه بی بونسخه مزده اوقونه جق موضح و مفصل قرارده تثبیت ایتشدیر. اونی اوقومقله، دولتمزک اجرا آتنده نه درجه حقوق اساسلردن انحراف ایدلمدیکی کوزه چارپار. حقوقی منتسبلر مز دخی بر مسئله نک نه وجهله تحلیل ایدلمسی لازم کلدیکنی ونه صورتله ونه

طریقاً نتیجه حقوقیه واصل اولمق ایجاب ایتدیکنی کوره‌دک مستفید اوله‌جقلردر .
لوتوس ظفرینه متدائر بالمله اوراقک بر جلد صورتیه کتبخانه ملی‌ده یر بولماسی
الزم اولدیغندن بئم یامق ایستدیکم خدمتک یقین برزمانده بالذات عدلیه وکالت جلیله‌سنجه
یایلماسنی و برآن اول بو قرارک لوائج و مرافعاتک‌ده ترجمه‌سیله برابر کتاب شککنده
نشرینی تمنی ایده‌رم .

دوققورا صنفی

حقوق فاکولته‌مز دوققورا صنفی یکیدن احداث ایتشد . معلوم اولدینی اوزره
بو صنفلردن مقصد حقوق علمک یوکسک طبقاتی تدریسدر ؛ حقوقی ، تأمین معیشت
خدمت ایدر بر صنعت اولقدن زیاده یوکسک بر علم اوله‌رق قبول ایتدیرمکه معطوف
بر همتدر . دوققورانک بر معنا افاده ایده‌بیلرسی ایچون تدریساتک پک بویوک اهمیت
ودقتله اجرایی ، دوامک مجبور طوتولماسی و امتحانلرک بویوک جدیتله یاپیله‌رق آنجق
مستحققلرک بو پایه‌یه مظهر قلملاری لازمدر . دوققورایه قید ایدیله‌جک طلبه‌نک مطلقاً
بر غرب لسانه واقف اولماسی حقیقه‌کی قرار هر صورتله مصیدر . اولجه بو احتیاج
موجود ایه‌ده انقلاب حقوقیمزک انکشافی حسیله ویکی قانونلر مرکز مأخذلرینه نظراً
بو احتیاج قات قات فضلهدر ؛ اجنبی لسانه وقوف بش اون کله لسان بیلیمک دکل
سهولتله افاده‌مراه ایتک و مطلقاً تورکجه‌دن اجنبی لسانه یا کلسسز حقوقی برمتی ترجمه‌یه
اقتداری اثبات ایتکله آکلاشیلمالیدر . بو اساسلردن انحراف ایدلیدیکی وقت دوققورا
صنفنک احداثیه یاپیله‌جق بویوک فداکارلاردن انتظار اولنان فائده‌لر الده ایدلر .

حقوق فاکولته‌مز ره‌کتور و هیئت تدریسیه‌سنک مسلم‌مز اولان اقتدار علمیلرندن
مستقبل دوققورلر مرکز علم حقوقیزی اعلا ایده‌جک ماهیتده اوله‌رق دارالفنونمزدن
نشت ایده‌جکلرینه قانعز .

میه قرار

بو نسخه‌مزده حق قراره متدائر اوله‌رق ایکی طرفدن کلن ایکی سوآله قارشی ری
مسئله‌کدشمز حمدی حلیم بک طرفندن دیکری سابق طاپو مدیر عمومیه‌سی حاجی
صلاح‌الدین بک طرفندن ویریلن ایکی جواب واردر . ایکی‌سی‌ده مجله زماننده مدنی تمام
اولان حق قراره دائردر . حمدی حلیم بکه کوره حق قراری طاپویه تسجیل ایتهمش
اولانلر ارتق بو حقدن استفاده ایده‌مزلر .

حاجی صلاح‌الدین بکه کوره مجله زماننده تمام اولمش اولان بوحق مکتسب برحق تشکیل ایدر؛ آرتق قانون مدنی نك تطبیقنه باشلامقنه او حقه خلل کتز. عدلیه وکالتی طابو اداره سندن نه صورتله معامله ایدیه کلدیکنی صورمش اداره مومی الیهاده معروض اساسات دائره سنده اجرای معامله ایدلدیکی جوابی ویرلمشدر .

قیمتلی آرقداشمز مدرس رشید بک افندی دخی بومطالعیه اشتراك ایتمکده اولدیغندن رجامز اوزرینه یازدینی مقاله بو نسخه مزه درج ایدلمشدر . بو حق قرار مسئله سی بک مهمدر ؛ آناطولییده بر چوق اراضی حق قرار ایله تصرف ایدیه کلکدهدر ؛ اگر سنده ربط قلمامش دهیه بونلرک حقاری طائیه جق ایسه بک وخیم بر حال حاصل اوله جقدر . حق مکتسبه ویریه جک معنیه کوره بو حق قرار مسئله سنک حلی یوله کیدیه جکدر . بو اهمیتنی نظر اعتباره آلهرق بر قاج متخصص ارقاداشی اداره خانه مزده طویلاتدق . بر قاج ساعت مذاکره و مناقشه ایتدک . قانون مدنی نك مرعیه وضی تاریخنده تمام اولمش حق قرارک معتبر اوله جنی نتیجه سنه واردق . بومسئله خفنده مطالعه لرینی یازمق آرزو سنده بولونان ارقاداشلر وارسه لطف لرینه انتظار ایدموز .

فکر تنقید

منوئیه قید ایتلییم که آناطولیدن آلدیغم بر چوق سؤال لری حاوی مکتوبلر مملکتده عقل سلیم وفکر تنقیدک کیتدجکه انکشاف ایتمکده اولدیغنی اثبات ایتمکدهدر . بر ماده نك یا کلش ترجمه ایدلدیکی یا خود طرز تحریر وتدوینی مفهوم حقیقی افاده ایتدیکنی - فرانسرجه ویا دیگر راجبی لسان بیلمدکاری حالده - یالکز ندقیق و محاکمه ایله آکلایورلر . مثلاً بو نسخه مزده نشر ایتدیگمز بر مکتوبده بر خابر مز جزا قانوننک بر ماده سنده بر تناقض کورمش وهیئت تحریریه مزدن مدرس جودت فریدبک برادر مزه یاپدیردیگمز تدقیقاندن فی الواقع مذکور ماده نك یا کلش بر شکله ترجمه ایدلدیکی آکلایلمشدر .

قانونلری فکر استقلال ایله او قومنک، معناسنه نفوذ ایتک، هر خصوصده فکر تنقیدی قوللانمق بک خیرلی و بک مفید اولور . مجموعیه مراجعت ایدن مخابر لر مرکز بوبابده کی تردد لرینی ازالهیه چالشمق صورتیه بوفکر تنقید وقوه محاکمه نك انکشافه خدمت ایتک موجب فخر بر مشغله مزی تشکیل ایدر .

فهرست اسامی

عدلیه وکالت جلیله سی مدعی عمومیلکله روجه زیر تعینمی کوندرمشدر :

«استانبولده انتشارايدن ويكي قانونلر مترك تشرېحه متعلق تورك و آوروپا پروفيسورلرينك
« برچوق قيمتلى ومهم مقررات ومقالاتى محتوى بولونان «استانبول باروسى مجموعه سى»
« ايله « حقوقى بيلكلىر » مجموعه سنك حكام ومدعى عمومىلرجه اوقونامسى باعث فائده
« اوله جنى ملاحظه سيله آثارمذكوره نك طرفلرندن تدارك ومطالعه سى توصيه اولونور افندم.»
عدليه وكيل محترمنه بولطف قدر شناسايلردن دولايى احترامكار تشكر اتمزى تقديم ايلرز.

ميسا سلى غادر افقو

مير ايلدزم

آفقره مجلس عمومى بلديه اعضا سنده * * بلكه :
كوندرديك كنز لايحه لرى دفته تدقيق ايتدم وايتدردم . موضوع بحث ايتديك كنز
مقاوله نك صلاحيت عقد بيه سى حقنده واصل اولديك كنز نتيجه يه واصل اوله مادي . بن .
اساساً ممكن اولدينى درجه ده ، بلديه رؤسا سنك انتخابه تعييننه و مجالس بلديه نك فضله
صلاحيت دار اولماسنه طرفدارم وبونده سزكله هم فكرم ؛ فقط بوتنى موجود امانت
تشكيلاتنك روحه تطابق ايتمز . عمومى بودجه نك اقراضا تيله ياشايه بيلن بر بلديه ي
دها صيقى رصورتده كندى مراقبه سى آلتنه آلفه وبونك ايچون مجلس بلديه نك صلاحيتنى
تحيديده البته كه دولتك حقى وارددر . آفقره شهر امانته متداثر اولان قوانينه وبوقانونلر
كرك متنه وكرك روحه نظراً امانت بودجه سندن بر تخصيصات آلمان مذبحه تشبته
متداثر مقاوله نك مقام اجرا طرفدن - انجمن امانت تصوييله - عقدنده مغايرت قانونيه
يوقدر . اشارت بووردى كنز وجهله داخليله وكالتجه مقاوله نك تدقيق وتصويب ايدلسى باشقه
جمله عملى راطمشان ويره بيلير . خلاصه قوانين حاضره طور دجه بوصلاحي مقام اجرا نك الندن
- يعنى انجمن امانتله شهر امينتك بدصلاحيتندن - آلفه امكان قانونى يوقدر . غ . ف

قانون مدنى رهبرى

ايكنجى مجلسى انتشار اتمشدر . استانبولده قناعت كېتانه سنده ۲۵۰ غرورسه فيا ئنه
صاينلوقدره . آنا طرلى ايجوره ۳۰ غرورسه يوسه اجرى عطاوه ايدلمشدر . برنجى
مجلس نك يك آز نسخرى فاطمشدر .

اوچينجى مجلس نك ده طبغه باءلامشدر